

★ «ЭЛЬКУНОВИДЕНИЕ»

ВЫЛЬ КИЗИЛИ ТОДМО ЛУОЗ ЭЛЬКУНМЫЛЭН НУНАЛАЗ!

Зинаида РЯБИНИНА

21-тй коньвуонэ Ижкысь «Аксион» культура юртын ортчиз «Элькуновидение-2017» конкурслэн 2-тй этапез. 19 ёрос пöлысь 14-ез финалэ потйзы - соос асьмеды шумпоттозы на 4-тй шуркынмонэ «Мынам Удмуртие» телеканал пыр.

Туэ та конкурс 6-тйзэ радъяськызы ни. «Мынам Удмуртиелэн» кичöлтонэз борды табере итйсько «Удмурт Кенеш» огазеяскон но шаерысьтымы Лулчеберетъя но туризмъя министерство. Озыы проектлэн бурдтёсыз паськытгес луизы, та артёс чöже солэн данэз будйз. Азвыл отын асьсалэсь быгатонлыкес Удмуртиысь гинэ устоиос эскерыны быгатылйзы ке, 2-тй арзэ ни мыло-кыдо пырысько Татарстанысь кырзасьёс но. Теле-радиокомпанилэн директорез Марина Городилова верамъя, соос дась та проектэз быдэс Россие но, фин-угор кунтёсы но вöлмытыны.

«Удмурт Кенеш» огазеясконлэн төроез, Кун Ке-

нешысь ялан ужась комиссилэн кивалтйсьез Татьяна Ишматова лыдъя, конкурс зэмзэ но удмурт лулчеберетэз вöлмытонын одйгез яркытэз но устоез проект луэ, арысь аре со самодеятельностысь профессионалтёсты будэтэ.

Азвыл артёсы «Элькуновидение» радъяськылйз «Евровидение» амалъя: пырыськысьёс (участниктёс) понна куаразэс сётылйзы ёростёсысь ыстэм муртёс, соослэн баллтёсы борды ватсаськылйзы жюрилен дунъямез но калыклэн СМС пыр куара сётэмез. Зэмзэ вераса, сытёе дунгет туж ик понер ой вал - сое валаллязы асьсёос но конкурсантёс, угось дунъяськылйз ог-огедлы дурбасьтыны быгатон мылкыд. Собере, шуом, чöпатоно ке Пичи Пурга но Сюмси ёростёслэсь «удмуртлык-сэс», кыкетйосыз куке-соку зэмоз кизили будэтныны пöрмытйзы ке но, вормон соослы ноку уз чилекты - öвöл Сюмсиын Пургалан мында удмуртёс, котьма тон кар! Та ласянь туэ условно шöдскымон зэмлыко-

есыгес. Куара сётыны озыы ик алэмын öвöл - но со луоз «Учкысьёслэн синмаськонзы» номинация.

Ёростёсысь ыстэм дунъясьёслэн рользы йылпумъяськызы ни, шуыны луоз - соос юрттйзы финалистёсты бырйыны. Азвыл чакламъя соос 12 луыны кулэ вал, но режиссёр эшшо кыксэ жалыз - 13-тй, 14-тй интыосы кылемтёслэн баллтёсы, пе, 11-тй, 12-тйлэсь шöдскымон уг висъясько... Ёростёсысь жюриослэн мылкыдынызы учкысьёс туэ оглом соглаш. Но со вормон öвöл на! Туэ вормисез быртёзы кырзан гожъян удысысь зэмоз устоиос - профессионалтёслэсь жюри.

Чөпак соин али уг яра на котькудйзы нимаз дунгет сётыны, вождэс эн вае. Огъя кылтёсын гинэ ке, конкурслэн зечлыкес зэмзэ но будэ. Туэ зэмзэ но вал выль гуртёс, эксперименттёс, улэп крезьгур (зэм, укыр öжыт!), выль образтёс, суредтёс. Уката но кылем арен чöпатоно ке. (Тодйсько на, кызы жюри миым, сюлэмыз борды кутйськыса, пукиз: выльысыз вылаз

чузъяськылйзы «лушкам» крезьгуртёс, пелез вандйзы сапрес гожтэм тексттёс.) Туэ, шöдйсько, сытёе пыкылонтёс шöдскымон öжыт луозы.

- Со понна ик конкурсэ öтчаском профессионалтёсты, - шуо «Мынам Удмуртие» телеканалысь удмурт журналисттёс - угось эфире ляб кырзантёсты сётэм

уг поты. Нош индылытэк, критикатэк автор уг вала, понер-а со ужа, уг-а, со аслаз произведениез бере, дуно потэ, муртлэн синмыныз-пелыныз адзыны-кылыны уг быгаты...

Озыен, учкелэ 4-тй шуркынмонэ - Элькунмылэн нуналаз - «Мынам Удмуртие» телеканалысь «Свети дорын куноын» программаез. ***

2-тй этаплэн йылпумъянтьёсыз:

- Сарапул ёрос - 94 балл.
- Эгра посёлок - 90 балл.
- Шаркан ёрос - 78 балл.
- Вавож ёрос - 68 балл.
- Ижкарысь Индустриальной ёрос - 64 балл.
- Глазкар - 58 балл.
- Кез ёрос - 56 балл.
- Пичи Пурга ёрос - 56 балл.
- Алнаш ёрос - 52 балл.
- Можга ёрос - 38 балл.
- Дэбес ёрос - 36 балл.
- Татарстанысь Агрыз ёрос - 26 балл.
- Татарстанысь Менделеевск ёрос - 24 балл.
- Вотка кар - 22 балл.
- Ижкарысь Устинов ёрос - 12 балл.
- Кияса ёрос - 12 балл.
- Яр ёрос - 10 балл.
- Ижкарысь Октябрь ёрос - 2 балл.
- Ижкарысь Ленин ёрос - 0 балл.

★ БУРЕ ВАЁН

Шундыё Ходырев

Мария ВЕКШИНА

Герман Ходыревлы - 85 ар. Нылпи писателез буре вайыса, Ижкысь Эшъяськон юртын ортчиз паймымон ужрад, со милемыз выльысен нылпи вакытэ берыктйз кадъ.

Быдэс зал тыр вуиллям Герман Алексеевичлэн матысь эштёсыз, чöш ужам юлтоттёсыз, лыктйллям кыдёкысь Алнашысь но - писательлэн вöрдйськем черкогуртысьтыз. Жыт чöже чузъяськызы кылбур чуртёс, кырзантёс, тодэ ваёнтьёс но критиктёслэн малпантёсы. Соос ваньзы сямен пустё кылбурчилэсь бадзым талантэ, нылпиосты валаны быгатэмзэ но пальышась сямзэ - та понна сое чөмысь «шундыё» нималлязы.

Герман Алексеевич пушкын улйзы кылбурчи но крезьгурчи. Со öз локыськылы балалайкаеныз.

- Герман Ходыревен эштъяськеммы - Удмуртиысь крезьгуро улонмылэн оgez тужгес узырез вакытэз, - вера крезьгурчи Юрий Толкач. - Со вал туж крезьгуро адыми, ялан ветлылэ вал милиам концертёсамы. Чөшен ми ог 40 произведение гожтймы. 70-тй-80-тй артёсы кырзантёсмы туж тодмо-



«Удмурт дунне» архивысьтыз

Г. Ходырев балалайкаен зол шудылйз.

есь вал, соосты быдэсъязы шаерысьтымы нылпи коллективтёс. Куд-огтёсыз али нылпи садтёсын но, крезьгуро школаосын но чузъясько.

Озыы Герман Ходыревлэн кылбуртёсызъя гожтэм кырзантёсты быдэстйзы

Ижкысь пöртэм школаосын, крезьгуро колледжын дышеткысьёс.

- Атайлэн кылбуртёсызлы, крезьгурезлы, солэн зеч сямзылы луыса мон таёе будй, - вера писательлэн нылыз - Удмуртиысь Крезьгурчиослэн огазеясконэнызы кивалтйсь Марина Ходырева. - Пичи дыры ортчиз балалайкалэн чузъяськемез улсын. Атае ялан монэ лöпкытъя вал, тынад ваньмыз пöрмоз шуыса. Марлы паймысько вал? Мон изыны выдйсько - атае, кылбуртёс гожъяса, пуке, школае мыныны султйсько - со нош гожъяськыса пуке. Ку изыса вуттылйз? Котькуд жытгес пальпотыса бертылйз, малы ке шуоно со вал нылпиосын пумиськоньн яке ёросэ потаз. Отысь трос пöртэм учыртёсты вайылйз, кудтёсыз берло кылбуртёс луылйзы.

Ижкын улыны кутскемез бере калык писатель ялан вуылйз шоркарысь 20-тй школае. Али отысь музей нуллэ Герман Ходыревлэсь нимзэ. Артериосты, книгаосты утем сяна, со радъялла вольгыт лыдзйськысьёс, суредаськысьёс кустын конкурстёс, нуэ эскерон уж.

Кылем арын Марина Ходырева Йöскалык библиотекалы атаезлэсь 120 книга-

зэ кузьмаз, котькудаз Г. Ходыревлэн кыыныз маке но гожтэмын. Та пумысен нимысытыз эскерон уж лэсьтэ Йöскалык библиотекаын ужась Лариса Дмитриева.

Кылбуртёс сяна, Герман Ходырев гожъяллыз документальной повесттёс, публицистика, критика. Нош солэсь творчествозэ эскерисёс вань меда? Кызы вера кылобур наукаосъя доктор Татьяна Зайцева, Герман Ходыревез, векчи темаосъя гожъяськыськод шуыса, янгыше усыкытъязы. Нылпи литература азбар сёры уг поты, шуылйзы (Герман Ходыревлэн оgez книгаез «Милям азбарамы» нимаське). Таёе кылтёс бере тросэз куатаськысалзы но литературайсь кошкысалзы ни. Нош кытёе кужмо выльм Герман Ходырев. Жалыса верано, удмурт нылпи литературалэн историез гожтымтэ на, одйг нылпи авторъя но монография öвöл.

Огром вераса, Герман Ходырев дуннеез нылпи синмын адзиз. Озыы ой луысал ке, писательлэн творчествоез ой ляскыськысал нылпилэн сюлмаз. Уго али но, быдэ вуыса, «шундыё» Ходыревлэн книгаосыз вылын будэм адымиос учкытэк вераны быгато солэсь чуртёсэ. ***